


I antenac di ladins

Chi fova pa i Rec? I antenac di Ladins? N mierculdi ai 28 de aurl da mesa la nuef da sèira tenirà l professëur Edgar Moroder tla biblioteca dla Cësa di Ladins a Urtijëi na cunferënza sun n argumënt puech cuneschiù: I Rec



L ciavalier retich de Sanzeno (TN).



N ciaz cun la scrìta retica abinà daujin a Bulsan.

Cultura - L reladëur Edgar Moroder se dà ju cun l stude di Rec bele dai prims ani '80.

L vën rujenà y scrit di ladins dla Dolomites y dla Elpes n generel, ma mé drët dinrer di Rec, che fova i antenac plu mpurtanc di ladins. Ajache la parola Rec ie „artifizielä“ sciche ladins, etruscs y d'autres, pòssen liejer tlo y iló chësta variantes dla parola: Rezi, Reti, Retesc, Rec, Räter y mo d'autres. I Grecs scrijova Raitoi, i Romans latins Raeti y al raion abità da chësc popul, che à vivù per cënc de ani

dantaldut tla pert zentre la dla Elpes, ti ovi dat l inuem de Rezia.

Ntan chësta cunferënza uel l referënt stlari la pruvienienza di Rec, purvé a splighé sce i fova for stac tlo da cësa, sce i fova autoctonns o sce i ie unic adalerch da demez caprò, cie che i fajova, ce lingaz che i rujenova, cun chi che i fova mparentei, sce i fajova viera y ce fin che à fat chësc popul alpin.

L unirà nce liet n valguna risses tla rujenada retica, na rujenada de chëla che l ie rie ntënder na parola,

tan autramënter fova l retich mé per di, permez al talian o al tudësch.

L professëur Moroder mustrerà nce n valguna diapositives nteressantes n con' de chësta tematica y na lingia de libri cun tesé y ilustrazions che à da n fé cun i Rec.

Ala fin ti uniràl mo dat lerch ala discusion y i prejënc puderà fé dumandes y se damandé stlarimënc n con' dl argumënt.

Union di Ladins de Gherdëina